

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» նոյեմբերի 2013թ.

N__-Ա

ՈՐՈՇՈՒՄ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՎԵՍՏԻ ՎԱՍՏԱԿԱՎՈՐ ԳՈՐԾԻՉ ՄՀԵՐ ՆԱՎՈՑԱՆԻՆ ԲՆԱԿԱՐԱՆ ՆՎԻՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2012 թվականի դեկտեմբերի 25-ի հ. 580-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի սեփականությունը համարվող Սիսակյան փողոցի հ.22 շենքի հ.89՝ 62.77քմ մակերեսով բնակարանը (անշարժ գույքի նկատմամբ իրավունքների պետական գրանցման 15.05.2013թ. հ.15052013-01-0095 վկայական) սեփականության իրավունքով անհատույց օտարել (նվիրել) Մհեր Նավոյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

**<< ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՎԵՍՏԻ ՎԱՍՏԱԿԱՎՈՐ ԳՈՐԾԻՉ ՄՀԵՐ
ՆԱՎՈՅԱՆԻՆ ԲՆԱԿԱՐԱՆ ՆՎԻՐԵԼՈՒ ՄԱՍԻՆ >> ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ**

<<Երևանի Կոմիտասի անվան կոնսերվատորիա>> ՊՈԱԿ-ի ռեկտոր, պրոֆեսոր Շահեն Շահինյանը և Հայաստանի Երաժշտական ընկերության նախագահ, Կոմիտասի անվան պետական կոնսերվատորիայի վոկալ-տեսական ֆակուլտետի դեկան, խմբավարության և սիմֆո-դիրիժորության ամբիոնի պրոֆեսոր, ՀՀ մշակույթի վաստակավոր գործիչ, <<Մովսես Խորենացի>> մեդալակիր Դ.Ղազարյանը միջնորդագիր են ներկայացրել Երևանի քաղաքապետարան՝ երաժշտագետ Մհեր Նավոյանին բնակարան նվիրելու խնդրանքով:

Հարկ է նշել, որ Մհեր Նավոյանը հանդիսանում է Հայաստանի երաժշտական ընկերության վարչության անդամ, ակտիվորեն իրականացնում է երաժշտագիտական գործունեություն՝ իր փորձն ու գիտելիքները փոխանցելով նաև երիտասարդ սերնդին:

Վերջինս Երևանի Կոմիտասի անվան պետական կոնսերվատորիայի պրոֆեսոր է, ունի արվեստագիտության թեկնածուի գիտական աստիճան, արժանացել է ՀՀ արվեստի վաստակավոր գործչի բարձր կոչմանը:

Մշտապես բնակվելով Երևանում, ցավոք ունի բնակարանային պայմանների խիստ կարիքավորություն:

Հաշվի առնելով Մհեր Նավոյանի մասնագիտական կարողություններն ու մարդկային որակները, ինչպես նաև բնակարանային պայմանների բարելավման խիստ անհրաժեշտությունը, ստեղծագործելու համար պայմաններ ապահովելու նպատակով անհրաժեշտություն է առաջացել Սիսակյան փողոցի հ.22 շենքի հ.89 բնակարանը նվիրել նրան, որը թույլ կտա արվեստի վաստակավոր գործչին լիարժեք ստեղծագործական գործունեություն ծավալել:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

Տ Ե Ղ Ե Կ Ա Ն Ք

**<< ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՎԵՍՏԻ ՎԱՍՏԱԿԱՎՈՐ ԳՈՐԾԻՉ ՄՀԵՐ
ՆԱՎՈՅԱՆԻՆ ԲՆԱԿԱՐԱՆ ՆՎԻՐԵԼՈՒ ՄԱՍԻՆ>> ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու <<Հայաստանի Հանրապետության արվեստի
վաստակավոր գործիչ Մհեր Նավոյանին բնակարան նվիրելու մասին>> որոշման
նախագծի ընդունման առնչությամբ այլ իրավական ակտերի ընդունման
անհրաժեշտություն չի առաջանում:

Տ Ե Ղ Ե Կ Ա Ն Ք

**<< ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՎԵՍՏԻ ՎԱՍՏԱԿԱՎՈՐ ԳՈՐԾԻՉ ՄՀԵՐ
ՆԱՎՈՅԱՆԻՆ ԲՆԱԿԱՐԱՆ ՆՎԻՐԵԼՈՒ ՄԱՍԻՆ>> ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու <<Հայաստանի Հանրապետության արվեստի
վաստակավոր գործիչ Մհեր Նավոյանին բնակարան նվիրելու մասին>> որոշման
նախագծի ընդունման կապակցությամբ Երևանի բյուջեի եկամուտներում և ծախսերում
փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ